



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2016. GODINU PRVE MOSTARSKJE PARTIJE

Broj: 03-07-6-666/17
Sarajevo, 04.05.2018. godine

S A D R Ž A J

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	4
Predmet pregleda i kontrole	4
Cilj pregleda i kontrole	4
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE REVIZIJE	5
5.1 NALAZI	5
5.2. PREPORUKE	6

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Prve mostarske partije za 2016. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Pregledom godišnjeg finansijskog izvještaja za 2016. godinu, utvrđeno je da je Prva mostarska partija prekršila odredbe člana 5. stav (4), člana 11. i člana 12. stav (1) i stav (4) Zakona o finansiranju političkih stranaka.

Pregledom, odnosno kontrolom finansijskih izvještaja, osim gornjih napomena nismo zapazili ništa značajno, što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Prve mostarske partije za 2016. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Prva mostarska partija se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	1.306,00	86,72
2.	Prilozi fizičkih lica (3-a)	200,00	13,27
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	0,00	0,00
8.	Prihodi od propagande (3-g)	0,00	0,00
I	Ukupni prihodi (1-8)	1.506,00	99,99
II	Ostali prihodi i drugo	0,04	0,01
	Izvori finansiranja (I+II)	1.506,04	100,00

U godišnjem finansijskom izvještaju stranka je iskazala rashode u ukupnom iznosu od 718,31 KM.

2. PREDSTAVLJANJE POLITIČKE STRANKE

Naziv političke stranke je Prva mostarska partija. Skraćeni naziv stranke je PMP.

Prva mostarska partija registrovana je kod Općinskog suda u Mostaru, rješenjem broj: R/1-14 od 24.02.2014. godine.

Sjedište političke stranke je u Mostaru, ulica Gojka Vukovića 52 a.

Lica ovlaštena za zastupanje stranke su Semir Drljević, predsjednik stranke i Edin Hadžić, podpredsjednik stranke.

Lice ovlašteno za podnošenje finansijskih izvještaja za 2016. godinu je Senad Razić.

Prema podacima iz godišnjeg finansijskog izvještaja za 2016. godinu, Prva mostarska partija nema niže nivo organizovanja.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Prve mostarske partije za 2016. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao

izraziti mišljenje o tome da li se stranka finansirala u skladu sa Zakonom o finansiranju političkih stranaka, te da li je ostvarila troškove izborne kampanje u okviru zakonom utvrđenog limita.

Obim pregleda i kontrole finansijskih izvještaja Prve mostarske partije obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja.

4. PRETHODNE KONTROLE I REVIZIJE

Služba za reviziju je izvršila pregled i kontrolu godišnjeg finansijskog izvještaja Prve mostarske partije za 2014. i 2015. godinu.

Nakon izvršenog pregleda godišnjeg finansijskog izvještaja za 2015. godinu, Služba za reviziju je izdala Izvještaj o pregledu godišnjeg finansijskog izvještaja Prve mostarske partije sa mišljenjem revizora, nalazima revizije i preporukama stranci da finansijski izvještaj podnosi u rokovima propisanim Zakonom o finansiranju političkih stranaka.

5. NALAZI I PREPORUKE REVIZIJE

5.1 NALAZI

a) Prva mostarska partija prekršila je odredbe člana 5. stav (4) Zakona o finansiranju političkih stranaka.

- Prva mostarska partija u godišnjem finansijskom izvještaju i poslovnim knjigama nije iskazala nenovčanu donaciju po osnovu besplatnog korištenja poslovnog prostora, čime je prekršila odredbe člana 5. stav (4) Zakona o finansiranju političkih stranaka.

Uvidom u dokumentaciju utvrđeno je da je stranka koristila prostorije fizičkog lica bez ikakve naknade.

Prva mostarska partija je korištenjem poslovnog prostora bez plaćanja zakupnine, primila nenovčanu donaciju od fizičkog lica, koju je imala obavezu da evidentira u poslovnim knjigama i istu iskaže u finansijskom izvještaju za 2016. godinu.

- Uvidom u izvode stranke i poslovne knjige utvrđeno je da je stranka primila članarine putem blagajne u iznosu od 1.306,00 KM, a primljena sredstva je djelimično uplatila na transakcijski račun stranke, odnosno stranka je uplatila iznos od 880,00 KM na svoj transakcijski račun. Stranka nije izdala potvrde za primljene članarine.

Takođe, uvidom u dokumentaciju utvrđeno je da je stranka primila prilog fizičkog lica u iznosu od 200,00 KM, a da nije izdala potvrdu o prijemu priloga fizičkom licu.

Na taj način stranka je prekršila odredbe člana 5. stav (4) Zakona i odredbe člana 6. Pravilnika o godišnjim finansijskim izvještajima političkih stranaka—u daljem tekstu: Pravilnik.

b) Prva mostarska partija prekršila je odredbe člana 11. i člana 12. stav (1) i stav (4) Zakona o finansiranju političkih stranaka.

Pregledom godišnjeg finansijskog izvještaja i raspoložive finansijske dokumentacije, utvrđeno je da Prva mostarska partija nije uspostavila potpune i adekvatne evidencije o svojim prihodima i rashodima i da obrasce finansijskog izvještaja nije popunila u skladu sa Pravilnikom, čime je prekršila odredbe člana 11. i člana 12. stav (1) i stav (4) Zakona o finansiranju političkih stranaka.

- (1) Uvidom u poslovne knjige stranke utvrđeno je da stranka nema evidencije o deviznom računu otvorenom kod Privredne banke Sarajevo. Stranka nije ostvarila promet po navedenom računu.

Takođe, utvrđeno je da je stranka u svojim poslovnim knjigama izvršila pogrešno knjiženje prihoda od članarina. Naime, stranka je prikupljene članarine za 2017. godinu u ukupnom iznosu od 1.116,00 KM evidentirala kao prihod 2016. godine, čime je i ukupne prihode stranke iskazala u većem iznosu za 1.116,00 KM.

- (2) Pregledom je utvrđeno da stranka u obrascima 3-e finansijskog izvještaja (Prihodi od darova i usluga koje politička stranka nije imala obavezu platiti) i 4.1 finansijskog izvještaja (Režijsko-administrativni i ostali troškovi) nije iskazala nenovčanu donaciju primljenu po osnovu besplatnog korištenja poslovnog prostora kao i trošak nastao po istom osnovu, što je suprotno odredbama člana 18., 21. i 22. Pravilnika.
- (3) Stranka u obrascu 5 (obaveze političke partije) finansijskog izvještaja nije iskazala svoje obaveze, čime je prekršila odredbe člana 24. Pravilnika. Uvidom u poslovne knjige stranke utvrđeno je da su neizmirene obaveze stranke na dan 31.12.2016. godine iznosile 192,00 KM.

5.2. PREPORUKE

Preporučuje se Prvoj mostarskoj partiji da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da uspostavi evidencije o svojim nenovčanim donacijama,*
- *da sredstva prikupljena po osnovu članarina uplaćuje na transakcijski račun,*
- *da izdaje potvrde o primljenim priložima,*
- *da uspostavi adekvatne evidencije o prihodima i rashodima u svojim poslovnim knjigama, odnosno da poslovne knjige vodi u skladu sa računovodstvenim propisima i*
- *da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.*

KOMENTAR:

Prva mostarska partija nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2016. godinu.

Šef Odsjeka za revizijske poslove

Sanja Tošović

Revizor

Veliborka Kenjić

Šef Službe za reviziju

Mr.sc Hasida Gušić